

adr-

ALTERNATIV DEMOKRATESCH
REFORMPARTEI

Groupe parlementaire



Ministère de l'Agriculture, de la Viticulture et du Développement rural,	8
Référence: 531/2019	
31 AOUT 2019	
A traiter par:	
Copie à:	

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 28. August 2019

Här President,

esou wéi d'Chambersreglement et virgesäit, bieden ech Iech, dës parlamentaresch Fro un d'Madame
Ëmweltminister an den Här Landwirtschaftsminister weiderzeleeden.

Eng Rei vu Lëtzebuurger Parteien hunn am leschten europäesche Walkampf e verstärkten
Déiereschutz an Europa gefuerdert. Verschiddener vun deene Parteie sinn zënter 2013 an der
Regierungskoalitioun zu Lëtzebuerg vertrauden an haten an hunn also d'Méiglechkeet, zum
Beispill am Ministerrot vun der EU, selwer konkret Moosnamen ze proposéieren oder awer
vun der Kommissioun ze fuerderen, datt si sollt vun hirem Initiativrecht Gebrauch maachen, fir
e verstärkten Déiereschutz an Europa ze erreechen.

An deem Kontext wéilt ech deenen zoustännege Ministeren dës Froe stellen:

1. Kann d'Regierung der Chamber matdeelen, wéi eng konkret Moosnamen
d'Lëtzebuurger Regierung zënter 2013 am Ministerrot vun der EU proposéiert oder vun
der Kommissioun gefuerdert huet, fir den Déiereschutz an Europa ze verbessern? Ech
bieden hei ëm folgend Präzisierungen: geneeën Datum, Text vun der Interventioun a
Referenzdokumenter vum Ministerrot.

Dëst virun allem a folgende Beräicher:

- d'Schafung vun enger ambitiöser europäescher Direktiv fir eng Verbesserung vum
Déiereschutz an där ganzer Europäescher Unioun;
- en europäesche Label fir d'Wuel vum Déier;
- eng besser Kontroll vun den Déierenzüchter;
- eng Regelung vum Asaz vu Medikamenter an der Déierenzücht;
- d'Schafe vun enger europäescher Veterinärsinspektioun;
- Moosname fir d'Verbesserung vun de Liewensbedéngunge vun den Déieren an
der Massenzucht, inklusiv an der Fëscherei an do, wou Käfeger zum Asaz
kommen;
- d'Ofschafe vu Pelzfarmen an der Europäescher Unioun;
- Verbuet vun Déierentransporter zum Zweck vun der Juegd;
- den Déiereschutz bei Ausstellungen, am Sport a bei rekreativen Aktivitéiten;
- obligatoresch Anästhesie bei enger Kastratioun;

- Reduktioun vun der Zuel, vun der Längt a vun der Zäit vun Déierentransporter a Verbesserung vun den Ëmstänn ënnert deenen d'Déieren transportéiert ginn (z.B. Zuel vun den Déieren, Bewegungsméiglechkeeten, Zougang zu Waasser);
 - Verbuet vum Transport vu jonken oder schwachen Déieren;
 - Kontrolle vun den Déierentransporter;
 - Förderung vu regionalen a mobille Schluechthaiser;
 - Verbesserung vun de Schluechtmethouden, fir Angscht a Péng ze miniméieren a wa méiglech ganz ze verhënneren;
 - Verbuet vum Export vu liewegen Déiere baussent d'EU;
 - Formatioun vun den Douanieren am Beräich Déiereschutz (Import, Export, besonnesch och vu geschützten oder exoteschen Déieren, vun Trophäen a Souveniren);
 - Formatioun vun de Jeeër;
 - Entwécklung a Promotioun vun Ersatzmethode fir Déierenexperimenter;
 - Schutz vun Hënn a Kazen, déi wëll liewen;
 - aner Initiativen, z.B. fir wëll Déieren ze schützen oder d'Biodiversitéit ze erhalen.
2. Wéi eng konkret Folgen haten déi Lëtzebuerger Propositionen am Ministerrot? Ech bidden hei och ëm folgend Präzisierungen: geneeën Datum, Protokoller vum Ministerrot an Textvirschlëi vun der Europäescher Kommissioun.

Mat déiwem Respekt,



Fernand Kartheiser
Deputéierten



CHAMBRE DES DÉPUTÉS
GRAND-DUCHÉ DE LUXEMBOURG

Dossier suivi par Christian Alff
Service des séances plénières et
secrétariat général
Tél : 466.966.223
Fax : 466.966.210
e-mail : calff@chd.lu

Monsieur Marc Hansen
Ministre aux Relations avec le Parlement
Luxembourg

Luxembourg, le 29 août 2019

Objet : Question parlementaire n° 1131 du 28.08.2019 de Monsieur le Député Fernand
Kartheiser - Protection des animaux

Monsieur le Ministre,

J'ai l'honneur de vous communiquer par la présente la question parlementaire sous objet.

Je vous prie de bien vouloir me faire parvenir la réponse du Gouvernement dans le délai d'un
mois afin que je puisse la faire publier avec la question au compte rendu.

Veuillez agréer, Monsieur le Ministre, l'expression de mes sentiments les plus distingués.

Fernand Etgen
Président de la Chambre des Députés



Luxembourg, le 11 NOV. 2019

Service central de législation
Monsieur Marc Hansen
Ministre aux Relations avec le Parlement


Objet : Question parlementaire n°1131 – Réponse

Monsieur le Ministre,

J'ai l'honneur de vous communiquer en annexe la réponse à la question parlementaire n°1131 tout en vous priant de bien vouloir en assurer la transmission à Monsieur le Président de la Chambre des Députés.

Recevez, Monsieur le Ministre, l'expression de mes sentiments distingués.

La Ministre de l'Environnement, du Climat
et du Développement durable,


Carole Dieschbourg

Gemeinsam Äntwert vun der Ministesch fir Ëmwelt, Klima a nohalteg Entwécklung an dem Minister fir Landwirtschaft, Wäibau a ländlech Entwécklung op d'parlamentarësch Fro n°1131 vum 29. August 2019 vum honorabelen Deputéierten Här Fernand Kartheiser

De Landwirtschaftsminister huet am Ministerrot vun der Europäescher Unioun am Juli 2019 intervenéiert, fir d'Restriktiounen an d'Verbueter op nationalem Niveau ronderem den Déierentransport während Hëtztwellen ze presentéieren. Bei dëser Geleeënheet huet de Minister och seng Ufro fir eng Revisioun vum Reglement (EC) Nr 1/2005 iwwer den Déierentransport widderholl, fir di maximal erlaabten Reesdauer ze reduzéieren.

D'Demande, fir eng gesetzlech Proposition fir eng Verännerung vum Reglement iwwer den Déierentransport ass an d'Conclusiounen vum Ministerrot agefloss, a gëtt vun der aktueller finnescher Presidence vum Ministerrot vun der Europäescher Unioun ausgeschafft. Duerno ass et d'Verantwortung vun der neier europäescher Kommissioun, déi eenzeg europäescher Institutioun, déi en Initiativrecht huet, a méi speziell vun der neier Kommissärin Madamm Kyriakides, fir e Gesetzesvorschlag ze adoptéieren oder net.

D'Conclusiounen vum Ministerrot, déi formell während der Dezembersëtzung ugeholl ginn, wäerten sech och mat enger neier Strategie fir d'Wuelbefannen vun den Déieren fir d'Period 2020-2024 beschäftegen, esou wéi och mat der Aféierung vun engem fräiwëllegen europawäiten Etiquetagesystem, den op Déiereschutzkriterien baséiert, déi iwwert den Ufuerderungen vun den aktuelle Gesetzzer stinn.

D'Conclusiounen fuerderen och d'Aféierung vun engem Kapitel iwwer Déiereschutz an de Fräihandelsverkommen vun der EU. Et sief bemierkt, datt d'Lëtzebuerger Delegatioun bei de Verhandlungen vu Fräihandelsverkommen mat Kanada, den USA an MERCOSUR all Kéier ähnlech Demandë ënnerstëtzt huet.

Zousätzlech ass déi konsequent Politik vun der Regierung fir en starken Déiereschutz reegelméisseg op de Sëtzunge vum Ministerrot vun der Europäescher Unioun während dem viregte Mandat ennerstrach ginn.

Sou huet de Landwirtschaftsminister schonn am November 2016 d'Demande vu sengem schwedesche Homolog fir eng Harmoniséierung vun den Transportregelen fir Déieren a fir eng Reduktioun vun der erlabter Reesdauer ënnerstëtzt.

Am Februar, Mee an November 2016 huet de Landwirtschaftsminister zesumme mat e puer vu sengen Kollegen eng méi konsequent europäesch Aktioun a Saachen Déiereschutz gefuedert, fir den Erwaardungen vun den europäeschen Bierger gerecht ze gin. Dës Initiativ huet 2017 zu der Schafung vun der Europäescher Plattform fir Déiereschutz gefouert, déi vun der Europäescher Kommissioun presidéiert gëtt, an aus Delegéierten aus de Memberstaaten, concernéierten Interessenten, a Vertrieeder vun Netregierungsorganisatiounen a berufflechen Associatiounen besteet. Di Lëtzebuerger Delegatioun huet d'Schaafung vun dëser neier Struktur ënnerstëtzt, virausgesat datt d'Virundreiwen vu Richtlinnen an neie Gesetzesvirschlë net bloquéiert gët.

Während de Virbereedungsdiskussiounen am Mee 2016 hat de Landwirtschaftsminister de Wonsch ausgedréckt, datt d'Plattform sech haaptsächlech mam Erfahrungsaustausch tëscht de Memberstaaten beim Ëmsetze vun der bestoender Gesetzgebung befaasst, fir eng Harmoniséierung, d'Abzéiung vun Déiereschutzthemen an den internationale Handelsofkommen, an d'Entwécklung vu Liewensmëtteleketten, déi iwwer den Déiereschutz informéieren, ze garantéieren. Dës Themen goufen während den éischte Réuniounen vun der Plattform beschwat, an d'Entwécklung vu Richtlinne fir verschidden Themen ass virgesinn.

Schlussendlech huet dat Europäesch Reglement iwwer offiziell Kontrollen an der Liewensmëtteleketten, déi 2015 ënner Lëtzebuerger Présidence ugeholl gouf, verschidden europäesch Referenzzentren fir Déiereschutz gegrënnt, denen hirt Zil ass, d'Ëmsetzung vun der Gesetzgebung an de Memberstaaten ze verbesseren. 2018 gouf en éischten Zentrum fir d'Wuelbefanne vun de Schwäin, an 2019 en Zentrum fir Geflügel an aner kleng Béischten gegrënnt.

Fir d'nächst Joer ass d'Prioritéit vum Landwirtschaftsminister, datt d'Europäesch Kommissioun eng nei Strategie fir d'Period 2020-2024 adoptéiert. Dës Strategie soll Gesetzesvirschléi iwwer Déierentransporter, Etiquetage—Systemer vun Liewensmëttele déi d'Wuelbefannen vun Déieren respektéieren, an Normen fir Wuelbefannen vun Zuuchtdéieren, déi nach net vun europäeschen Reglementer ofgedeckt goufen, beinhalten.

Am Kader vum lëtzebuergeschen Examen fir de Juegdschäin, ginn d'Kandidaten ausgebild fir generell déiereschutzgerecht ze joen (Identifizéiere vu Wëld, Situatioun an Distanz aschätzen, Schéissen, ugepasste Munitioun, ugepasste Waff an ugepassten Optik). De plus ginn déi zukünftég Jeeër ausgebild fir blesséiert Wëld ze sichen. Obligatorësch muss hei eng Sich mam Hond ageleet ginn an dës Sich muss preparéiert ginn. Déi néideg Kenntnisser kritt een op enger weiderer Formatioun zu där och den déiereschutzgerechten Ëmgang mat den Hënn gehéiert. Net ze vergiessen ass de fachgerechten Ëmgang mam Liewensmëttele Wëldfleisch, och dëst gëtt an der Formatioun geléiert.

Hënn a Kazen déi wëll liewen ginn net als « bejobar Aart » consideréiert an duerfen deemno och net geschoss ginn. Hei gëllen also déi selwecht Bestëmmungen wéi bei all aner Hënn oder Kazen och. Och gesait de Juegdkalenner eng generell Bëschrou vir, eng Zait an där am Bësch net därerf gejet ginn.